



JABATAN HAL EHWAL AGAMA ISLAM PULAU PINANG

Khutbah Bulan Ogos 1443H

Tajuk:
Jangan Sesekali Berputus Asa

Tarikh dibaca:
**13 Ogos 2021M/
4 Muharram 1443H**

Percetakan dibiayai:



زكاة فولاو فينڠ

نومبور تيليفون: 04-549 8088



Jangan Sese kali Berputus Asa

(13 Ogos 2021M/ 4 Muharram 1442H)

إِنَّ الْحَمْدَ لِلَّهِ نَحْمَدُهُ وَنُسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنْفُسِنَا
وَمِنْ سَيِّئَاتِ أَعْمَالِنَا، مَنْ يَهْدِ اللَّهُ فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ.
أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ
يَا خَسَانَ إِلَى يَوْمِ الدِّينِ. أَمَّا بَعْدُ؛ فَيَا عِبَادَ اللَّهِ، أُوصِيكُمْ وَإِيَّايَ بِتَقْوَى اللَّهِ فَقَدْ
فَارَزَ الْمُؤْمِنُونَ الْمُتَّقُونَ.

Sidang Jumaat yang dirahmati Allah sekalian,

Khatib menyeru kepada jemaah sekalian agar sentiasa meningkatkan usaha menanamkan ketakwaan kepada Allah dengan mematuhi perintah-Nya dan menjauhi larangan-Nya.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-berbual,

tidur dengan sengaja dan bermain telefon bimbit. Bagi melengkapinya kewajipan solat Jumaat hari ini, marilah kita menghayati bincara minbar yang bertajuk: **“Jangan Seseekali Berputus Asa.”**

Sidang Jemaah sekalian,

Tekanan demi tekanan sentiasa wujud dalam kehidupan. Walau bagaimanapun di era pandemik, tekanan ini menjadi bertambah buruk. Ia bukan sekadar melibatkan kumpulan atau umur tertentu namun pelbagai golongan. Anak-anak misalnya turut tertekan dengan kaedah pengajaran dan pembelajaran dalam talian yang agak terhad untuk dikuasai berbanding pembelajaran bersemuka. Bukan mudah berkongsi gajet dengan adik-beradik, mendapat data internet dan belajar tanpa guru secara fizikal. Cabaran yang sama dihadapi oleh calon peperiksaan besar seperti SPM, STPM, STAM dan peperiksaan universiti.

Begitu juga ketua-ketua keluarga yang perlu bergelut demi mengisi perut anak dan isteri. Ada dalam kalangan kita yang hanya dibayar gaji asas, ada yang dicutikan, malahan ada yang kehilangan pekerjaan. Sebahagiannya terpaksa melakukan kerja lain seperti menceburi bidang perniagaan yang belum pernah dilakukan sebelum ini.

Para ibu di rumah juga turut terbeban. Di samping mengurus rumahtangga, mereka juga perlu berjuang untuk

memastikan pelajaran anak-anak tidak ketinggalan. Lebih mencabar bagi ibu berkerjaya yang perlu bijak mengurus rumahtangga dan tanggungjawab terhadap majikan.

Penderitaan warga emas juga turut perlu diberi perhatian. Mereka menanggung sakit pening, rasa sunyi dan keseorangan lantaran anak-anak tidak dapat pulang ke kampung. Begitu juga rasa rindu yang mencengkam untuk berjemaah di masjid dan menghadiri kuliah-kuliah pengajian, semuanya terpaksa ditangguhkan.

Sidang Jumaat yang dikasihi Allah sekalian,

Mahu atau tidak, hakikatnya semua golongan ada tekanan yang perlu dilalui. Oleh itu saudara yang dirahmati Allah sekalian, ingatlah bahawa Allah سبحانه وتعالى berfirman dalam Surah az-Zumar ayat 53:

قُلْ يَاعِبَادِيَ الَّذِينَ أَسْرَفُوا عَلَىٰ أَنْفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ ﴿٥٣﴾

Maksudnya: *"Katakanlah (Wahai Muhammad): "Wahai hamba-hamba-Ku yang telah melampaui batas terhadap diri mereka sendiri, janganlah kamu berputus asa daripada rahmat Allah kerana sesungguhnya Allah mengampunkan segala dosa. Sesungguhnya Dia-lah juga yang Maha Pengampun, lagi Maha*

Mengasihani.”

Ayat yang dibacakan tadi jelas menunjukkan bahawa berputus asa sangatlah ditegah dalam agama dan bukan sikap orang yang beriman. Perbuatan berputus asa menunjukkan seolah-olah kita sudah tawar hati untuk meletakkan Allah سبحانه وتعالى sebagai tempat tumpuan dan memohon pertolongan. Terus berputus asa membuatkan iman yang ada dalam dada sudah semakin terhakis. Sekiranya dibiarkan, seseorang itu akan terlupa akan kewujudan Allah dengan sifat Pemurah dan Pengasih-Nya.

Justeru, ingin khatib tegaskan di atas mimbar yang mulia ini, bahawa berputus asa adalah sebahagian dari dosa-dosa besar. Oleh sebab itu saudara sekalian, Allah سبحانه وتعالى menegaskan dalam Surah Yusuf ayat 87 bahawa sifat berputus asa tidak lain hanyalah sifat orang kafir. Firman-Nya:

يَبْنِيْ اُذْهَبُوْا فَتَحَسَّسُوْا مِنْ يُوسُفَ وَآخِيْهِ وَلَا تَأْيِسُّوْا مِنْ رَّوْحِ اللّٰهِ اِنَّهٗ
لَا يَأْيِسُّ مِنْ رَّوْحِ اللّٰهِ اِلَّا الْقَوْمُ الْكَافِرُوْنَ ﴿٨٧﴾

Maksudnya: *“Hai anak-anakku, pergilah kamu, maka carilah berita tentang Yusuf dan saudaranya dan jangan kamu berputus asa daripada rahmat Allah. Sesungguhnya tidak ada berputus asa daripada rahmat Allah, melainkan bagi orang kafir.”*

Sidang Jumaat yang dikasihi,

Ingatlah, saat kita terhimpit dengan ujian, hakikatnya kita sedang dihadapkan dengan dua keadaan. Sama ada terus meletakkan pengharapan, berusaha sebagai hamba dan berdoa kepada Allah سبحانه وتعالى atau terus bersedih dan mengambil jalan untuk berputus asa. Justeru, ingatlah motivasi firman Allah melalui surah Ali-Imran ayat 139:

وَلَا تَهِنُوا وَلَا تَحْزَنُوا وَأَنْتُمْ الْأَعْلَوْنَ إِنْ كُنْتُمْ مُؤْمِنِينَ ﴿١٣٩﴾

Maksudnya: *“Janganlah kamu bersikap lemah dan janganlah (pula) kamu bersedih hati, pada hal kamulah orang-orang yang paling tinggi (darjatnya) jika kamu orang beriman.”*

Oleh sebab itu sidang jemaah sekalian, ingatlah bahawa kepayahan yang dilalui di dunia ini hanya bersifat sementara. Bulatkan jiwa untuk terus bersangka baik kepada Allah dengan segala ujian dan keperitan hidup. Ini kerana Allah سبحانه وتعالى akan menentukan nasib seseorang itu berdasarkan berat sangka kepada Allah. Nabi ﷺ bersabda dalam satu hadis *qudsi*:

إِنَّ اللَّهَ يَقُولُ أَنَا عِنْدَ ظَنِّ عَبْدِي بِي وَأَنَا مَعَهُ إِذَا دَعَانِي

Maksudnya: “Allah سبحانه وتعالى berfirman: “Aku adalah berdasarkan kepada sangkaan hamba-Ku terhadap-Ku. Aku

bersamanya ketika dia mengingati-Ku.” (Riwayat Bukhari & Muslim)

Sidang Jumaat yang dimuliakan Allah,

Sebagai kesimpulan khutbah minggu ini, ingin khatib rumuskan seperti berikut:

Pertama: Kuatkan kesabaran di jiwa dalam mendepani apa juga ujian. Banyakkan istigfar dan berselawat untuk menenangkan jiwa yang resah.

Kedua: Usah terlalu melayan perasaan yang sedih, dibimbangi syaitan akan berjaya mempengaruhi hati supaya berputus asa. Luahkan pada seseorang atau pihak yang boleh dipercayai untuk mencari jalan keluar dari masalah yang dihadapi.

Ketiga: Meletakkan prinsip akidah yang jelas bahawa apa sahaja yang berlaku di atas dunia hanya berjalan atas *qadar* (kekuasaan) dan *iradah* (kehendak) Allah سبحانه وتعالى. Hanya Dia-lah yang boleh memberi manfaat dan mudarat.

Keempat: Berusahalah dengan pelbagai strategi untuk menghadapi kesulitan dalam hidup. Jangan mudah mengalah. Ingatlah bahawa rezeki Allah tetap ada buat mereka yang berusaha. Kukuhkan keberanian diri untuk menghadapi kesulitan dan teruskan berdoa demi kelangsungan hidup keluarga yang tercinta.

Mengakhiri khutbah, khatib menyeru kepada seluruh persatuan penduduk, ahli jawatankuasa kariah, para pemimpin dan semua kita yang dilapangkan rezeki. Ambil cakna atau prihatinlah dengan saudara-saudara, jiran tetangga dan orang di sekeliling kita. Ingatlah, bahawa satu hari nanti kita akan ditanya sekiranya membiarkan jiran tetangga dalam kelaparan, sedang kita mampu tidur kekenyangan.

قَالُوا بِشَّرِّنَاكَ بِالْحَقِّ فَلَا تَكُن مِّنَ الْقَنِطِينِ ﴿٥٥﴾

Maksudnya: “Mereka menjawab: Kami menggembirakanmu dengan jalan yang sangat benar. Oleh sebab itu janganlah engkau menjadi golongan yang berputus asa.” (Surah al-Hijr)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنْ
آيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ
الْعَلِيمُ. أَقُولُ قَوْلِي هَذَا وَاسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ
الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَيَا فَوْزَ
الْمُسْتَغْفِرِينَ وَيَا نَجَاةَ التَّائِبِينَ.



خطبة كدوا بولن اوکوس 2021

اَلْحَمْدُ لِلّٰهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرِ عَظِيمٍ،
أَمَرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، قَالَ اللَّهُ تَعَالَى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنْ التَّابِعِينَ
وَتَابِعِي التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ
الْأَكْرَمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَنَتَنَا وَوُلَاةَ أُمُورِنَا وَاشْمَلِ اللَّهُمَّ بِعِنَايَتِكَ وَتَوْفِيقِكَ
عَلَى مَلِكِنَا، كِبَاوَه دُولِي يَغْ مَهَا مَوْلِيَا سِرِي فَادُوكْ بَاكِينِدَا يَغْ دَفَرْتَوَانْ اَكُوغْ ك-انم

بِسْمِ، السُّلْطَانِ عَبْدُ اللَّهِ رِعَايَةُ الدِّينِ الْمُصْطَفَى بِاللَّهِ شَاهِ ابْنِ الْمَرْحُومِ سُلْطَانِ
حَاجِ أَحْمَدُ شَاهِ الْمُسْتَعِينِ بِاللَّهِ، وكذلك توان يَغِ تراوتما تون داتوء سري اوتام أحمد
فوزي بن حاج عبد الرزاق ، يَغِ دفرتوا نكري قولاو فينغ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا
بَطَنَ، عَن بَلَدِنَا هَذَا خَاصَّةً، وَعَن بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ
قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah dengan sifat-Mu yang Maha Pemurah dan Maha Mendengar! Kami hamba-Mu yang lemah merayu kepadaMu agar engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiar-Mu dengan sempurna.

Ya Allah jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan waqaf. Rahmatilah kehidupan mereka. Sesungguhnya hanya kepada-Mu jua Ya Allah, doa kami mohon diperkenankan dan diterima.

عِبَادَ اللَّهِ، رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ﴿٢٠١﴾
إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ ﴿٢٠٢﴾
فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ
يُعْطِكُمْ، وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.